

հասարակաց ասել ցճնօղսգ. Տո՛ւր փառս Աստուծոյ, զի պտուղ որովայնի քո յազիւնն ճոխացեալ լինի: Ո՞ւր էր օրն այն սփոփանաց առիթ՝ ասել ցճնօղս թէ Տէր ետ եւ Տէր էառ, եղիցի անունն Տեառն օրհնեալ: Ո՞ւր էր օրն այն պատգամ պատշաճի բարեբաստութեան վախճանի համայնից, եթէ ընթեռնուով զԱւետարանն ի վերայ՝ եթէ ոչ հասն ցորենոյն անկեալ յերկիր մեռանիցի՝ ինքն միայն կայ, իսկ եթէ մեռանիցի՝ զբազում արդիւնս առնէ յօրհնեալ արքայութեան: Ո՞ւր էր պահն այն բարեդէպ՝ ասել ցնա Հող էիր եւ ի հող դարձցիս, զի ի միւսանգամ գալստեանն Տեառն հայրախնամ փառօք՝ նոր նորոգեսցէ զքեզ փառօք ի փառս: Ո՞ւր էր օրն այն քրիստոսապայման՝ խնկօք եւ մոմովք զնա մեծարեալ բարեկամք եւ սիրելիք ժողովեալ առ ձեօք ի մխիթարել:

Արդ սոցին փոխարէն գուժ մահաբեր ^{յաւիպեալն [յ]} _{բայն (?)} եւ բօթ տխրագին անել խոցիւք մշտնջենաւոր, ըստ որում Տէրն ասէր վասն Յուդայի՝ Ուսն որ ոչ էր յիս հաստատեալ՝ հահ՝ ել արտաքս եւ ցամաքեցաւ. եւ այլ թէ ժողովեն եւ ի հուր այրեն, զի ոչ գտաւ տեղի շտեմարանիլ ի տան Հօր իւրոյ: Աւա՛ղ դառնութեան լսելեաց ձերոց, եղկութիւն դժնդակ տանելեաց ձերոց, որ ոչ շիջանի եռանդն բորբոքեալ հրոյզ որ անկաւ ի սիրտս ձեր: Թէպէտ կարծի կերպիւ ինչ ջրովս զովացման բանիս ազդել ի սիրտ ձեր եւ շիջուցանել սակաւ ինչ եթէ Օրհնեցաւ Աբէլ հաճութեամբ Տեառն եւ անիծաւ կային հետեւելով հին մարդասպանին չարութեան, որպէս ասէր Տէրն ուրացողաց Հրէից զի Դուք որդիք նորա էք մարդասպանին որ ի ճշմարտութեան ոչ եկաց, այլ ապստամբեցաւ յԱրարէն՝ որպէս եւ դա իսկ, ուստի խոցեցայք յապստամբութեան դժբա որ ի ձէնջ դարձաւ մոռացեալ զգուժ ծնօղացդ եւ զուխտն աստուածեղէն զլացեալ կօրեաւ: Մխիթա-